



ILLUSTRI, SPECTATISSIMOQUE VIRO  
D.D. JOANNI-BAPTISTÆ LOUSTAUNAU,  
REGI A SANCTIORIBUS CONSILIIS,  
PRIMO REGIÆ PROSAPIÆ  
PRIMARIOQUE REGIS DESIGNATO CHIRURGO  
NECNON ACADEMIÆ REGIÆ CHIRURGICÆ *VICE PRÆSIDI PERPETUO*,  
HAS LABORUM SUORUM PRIMITIAS,  
AD MAGISTERII LAUREAM ACCEDENS  
VOVET ; DICAT ET CONSECRAT,  
OBSEQUENTISSIMUS P. LAFOND,  
REGII CHIRURGICÆ COLLEGII CANDIDATUS.





*T H E S E S*  
ANATOMICO-CHIRURGICÆ ,  
*DE VARIS ET VALGIS.*



**Q**UONAM fato fieri dicam ut corpus humanum præstantissimum sanè Creatoris opus innumeris scateat imperfectio nibus quas partim fideles comites affert natura , partim ingenerant varia accidentia quibus tota hominum vita patet obnoxia. Verùm ex omnibus corporis humani pravitatibus quæ ipsius præstantiam imminuunt, nulla nobis majoris visa est momenti , quàm ea de quâ nunc agitur , tum quia media ad illius curationem huc usque adhibita invalidiora , ne dicam inutilia , judicamus , tum quia ipse morbus, ferè insanabilis, à Magistris , in arte peritis , existimatur.

Hinc nil mirum si, nostris temporibus, pravitatis de quâ agitur, curationi non peculiarem immò ferè nullam operam navaverint in arte præcipui ( quamvis de ipsomet morbi genere egregiè veteres scripserint ) ( 1 ). Adèd scilicet invaluerat insita jam antè mentibus opinio quæ insanabilem hancce pravitatem judicaverat, ut ne ipsius quidem curationem malè timidi tentaverint, ne plus damni quàm levaminis ægroto afferrent. Si quis tamen attentè consideret varos valgosque ad summum pravitatis gradum lento successu pervenire, tuncque nullam spem curationis affulgere, non dubitabit profectò idem in nostrâ arte tentandum esse quod in cæteris artibus experti sunt viri quidam nobiles qui, neglectâ communi viâ novum sibi iter ausi sunt aperire, & eximia suæ artis prodigia nobis reliquerunt.

Quàm multi enim cives sibi & patriæ inutiles remanerent, nisi amicam Chirurgi manum præstò haberent, quæ partium quasi inutilium usum restitueret.

Sed antequàm de praxi differamus, quædam de integro pede; ipsoque vitiato anatomica dicere operæpretium erit.

## E X A N A T O M I A.

Ginglymo angulari convenit cruris cum pede articulus. Tibiâ intùs fibulâque extùs formatum crus, in imâ parte profundam constituit cavitatem quæ levi expressione dividitur, cuique prominet uterque malleolus, & internus & externus.

In illâ cavitate excipitur astragalus pars superior, quadrilatera

(1) Hippocrates.

Galenus.

Paræus.

Mangerus.

Fabricius Hildanus.

Heister.



5

nempe ipsius prominentia in duplicem condylum levi depressione divisa, quam ex utrâque parte complectuntur malleoli.

Hæc omnia, cartilagine induta, articulari includuntur capsulâ quæ hinc ad partem cruris inferiorem, illinc ad astragalis circuitum inhæret. Capsula ipsamet, laterali intus firmatur ligamine quod à malleolo interno ad idem astragalis calcaneique latus adhærescit; extus verò laterali ligamento quod à parte inferiori fibulæ ad astragal calcaneumque, ex adverso, fixum reperitur.

Stabiliorem quoque hunc articulum præstant à parte anteriori; pro tendinum respectu; tibialis anterior, extensor pollicis, extensor communis brevisque peronæus anter. à posteriori tendo achillæus, flexor communis digitorum, flex. pollicis, tibialisque poster. extus denique longi mediique peronæorum tendines observantur. Ipsimet etiam articulo adhærent nervi cutanei anteriores, nervus tibialis anter. vasaque ipsorum sociata; retrò tandem nervi cutanei posteriores, nervus tibial. poster. & vasa quæ eodem nomine donantur.

Solos flexionis & extensionis motus permittit cruris cum pede articulus. Flexioni inserviunt tibialis anterior brevisque peronæus, necnon in quibusdam casibus extensor longus digitorum: extensionis motus, gemellorum, soleæ tibialiumque vel gracilis, vel posterioris, utriusque peronæi lateralis & longi quidem flexoris digitorum ope & contractione, liberrimè in statu naturali exercentur.

Sed non ita est de statu Pathologico. Siquidem, in valgus, interiori pedis margine deorsum obversâ, malleolus internus in canalem astragali impressum vergit, externus verò in calcaneum; cutis & capsula quæ ad internum articuli latus attinent; laterale ligamen, tibialium vel anterioris, vel posterioris communisque digitorum extensoris tendines, necnon vasa nervique ad plantam tendentes elongantur; dum à latere externo, cutis

& capsula , ligamentum laterale relaxantur ; peronæique tandem muscoli necessariò contrahuntur , in variis è contrà ex adverso obvertuntur pedis externa pars , & malleolus ; idcirco , quæ in illâ pravitare extenduntur partes , in istâ remissæ videntur ; & vice versâ.

## È C H I R U R G I A.

Vari , Græcis , *ραιβοι* , dicuntur illi qui pedes introrsum habent obtortos. Valgi è contrà , Græcè , *βλαιοι* vocantur hi quibus extrinsecus obtorti pedes prominent (1). Utroque vitio , non pedes tantum sed & genua cruraque persæpè obliquantur (2)

Pueri & qui conterminæ sunt ætatis , hanc peculiariter affectionem incurrunt : attamen & ætate grandioribus id morbi genus quandoque accidit.

Discrimen , in ipso morbo , à majori minorive pravitare , causis & vetustate desumitur (3).

(1) Vari , latinis dicuntur quibus pedes cruraque intrò inflexa & obtorta sunt. Quibus contrà extrorsum pedes cruraque spectant & intorquentur , valgi nominantur.

Id vitium conformationis , vel jam indè ab utero est , culpâ matris quæ vel eodem illo intrò conversorum crurum vitio tenetur , vel per graviditatis omne ferè tempus defecit cruribus decussatis : aut post editum in lucem fortum contingit , quòd ejus pedes vel crura vitiosè fasciis obvoluta in cunis fuerint vel compressa , & depravato situ inter gestandum aut ambulandi conatum , à nutrice collocata. *Vid. Mangetum , Bibl. Chirurg. de Luxation. libr. xi.*

(2) Idem sentit Heister , nam in quibusdam infantibus ; vel ab utero materno , vel & postea demum paulatim indecenter curvi pedes fiunt , si justò maturius stare atque inambulare iidem à parentibus aut nutricibus coguntur , aut aliàs imprudenter ab iis tractantur. In aliquibus , ipsæ tibiæ curvæ sunt , in aliis genua distorta ; in aliis pedes in articulo tibiæ cum tarso , itque vel introrsum , qui vari , vel extrorsum versùs detorti existunt , qui valgi appellantur. (*Vid. Institut. Chirurg. p. 1106.*)

(3) Constat autem omnes homines qui naturaliter valgi sunt , deterius

Utriusque pravitatis agnoscuntur duplicis generis causæ , internæ scilicet & externæ. Causæ internæ judicantur ligamentorum laxitas ( 1 ), musculorum debilitas vel paralyſis ; „ nonnullis etiam proprii languores , ( vid. Manget ) scilicet „ iis qui arthritidem aut podagram expertis sunt nati , „ sed præſertim rachyidæa lues , &c. „ Externæ verò habentur , ictus , lapsus , conatus extensioneſque violentæ , *cacæ* contuſiones , fracturæ , ulcera , tophus , abſceſſus , cuiusque tandem generis fluxiones.

Viſu faciliè dignoscuntur vari valgique , ſi ad definitionem allatam attendatur.

Prognosis , ab eſſentiâ , cauſis & veruſtate deduci poteſt : ſiquidem in pravitate majori reducendâ major renixus , quàm in minori occurrit ; gravior habendus eſt ipſe morbus , ſi ab internâ cauſâ , diuturnior denique pro exitu , ſi à longo tempore invaſerit ( 2 ).

ſtare , quàm vari , neque poſſe celeriter currere , tùm parvo momento ac levi de cauſâ cadere. ( *Vid. Galen. in libr. Hippocr. tom. 7. p. 283.* )

Crus etiam univerſum his gracilius , propter motus difficultatem , redditur.

Ad hos occurrerunt & alii licet rariores , qui altero quidem valgo crure , altero varo , longè difficillimo inceſſu ducunt ilia.

( 1 ) Si , quæ articulo pedis cum crure inſerviunt ligamenta , tali debilitate , quæcumque ſit cauſa , afficiantur ut recto inceſſui noceant : tùm ad alterutrum latus , vel interius , vel exterius , pes conſectitur , quâ major eſt debilitas ; attamen omnibus aliundè compenſatis , internum ad latus in hocce caſu ſæpiùs tendere progreſſum nobis videtur.

( 2 ) Affectus hic puerorum valgorum interdum ope naturæ ſolvitur , interdum non item , ſed auxilium quoque artis implorat ; ſolvitur , inquam , ubi vigor accedens ætati , morbo qui præoccupaverat , ſit ſuperior. ( *Vid. Mang. loco jam citat.* ) Plerique ſanabiles ſunt , niſi ita magnus exceſſus ſit , aut pueris jam adultioribus res incidat. ( *Hipp.* ).

Idcirco , ait Galenus , commodiſſimum his eſt celerrimè ſubvenire , ante-

In varis & in valgis ad sanationem requiruntur, quantum fieri possunt, restitutio cujusque partis in situm naturalem, retentioque in situ per machinas accommodato, sic ut varis ossa foras adeò propellat, quasi valgos, valgis contrà introrsum, quasi varos reddere vellet Chirurgus (1): quæ quidem conditiones obtineri nequeunt, nisi, uno & eodem tempore, amoveantur causæ internæ, si occurrant.

Quâpropter, si consideretur, ut jam diximus, sensim sine sensu ingravescere ipsam pravitatem seu subluxationem, quod quidem unum & idem est; ex naturæ præscripto finem sibi propositum summâ cum laude, adimplere nobis videtur Chirurgus, qui conatibus minus quàm fiduciæ confidens, (& hæc certè in taxi qualibet admittuntur) vitioque ipsomet reducendo, idem quo formatum est temporis spatium impendens, præcipuum ad artis principium undequâque sese accommodat. Quænam igitur anteponenda curationis norma? Nullo faciliore modo quæstionem illam solvemus, quàm si antea veterum paucis recenseamus

quàm & pedis ossium & carnis in crure, magna admodum defectio sequatur. ( *Vid. Galen. in Hipp. de articul. comm. 4.* ).

Admonendi autem sunt parentes non illicò & unius anni spatio absolvi posse curationem, sed longum tempus requirere, præsertim si affectus inveteretur. ( *Vid. Fabr. hist. Centur. VI. obs. 89. 90.* ).

( Idem, in alio loco ) longum tempus summamque diligentiam hujusmodi curationes requirunt: vi enim nihil efficitur, sed est naturæ opus, quæ deformitatem illam corrigit, si ars & industria accesserint.

(1) ( Unde sic legere est in Galeno de Hippocr. in libr. de off. Med. commemor. 3. ) Sed paulò ultra naturalem statum parrem adducendam esse censuit: atque hoc est quod ait Hippocrates, ( idque paulò plus æquo ) nam quod naturale est, æquum est. Et ex alio loco deducitur, ut varus in valgum convertatur, scilicet ultra sedem prorsus naturalem: & vice versâ.

curationem;



curationem : & ab ipsâmet cum nostrâ methodo comparatâ , quid sit potius agendum , consequenter deducatur.

Hippocratem ut primùm consulamus : ibique ipsius curationem in calceis mollibus aut ex pelle non multùm durâ , aut ex plumbo formatis , omninò versari norum erit (1). Quomodo autem sanationem afferre potest illa methodus , quæ ad partes reductas continendum , magis quàm ad strictè retinendum accommodata , miseram ideò varos valgosque in situ eodem per longum tempus detinendi , necessitatem imponit ? Quæ & quanta inde malorum series oriatur , nemo non sentit.

Notandum est etiam in ipsâ methodo , ut confirmetur sanatio de quâ meritò nobis dubium est , temporis spatium usque ad perfectam distortæ cujusque partis accretionem prolatum requiri.

Si modò Mangeti de Paræo commentaria pervolvamus , eadem ac in priùs citato auctore , reperitur curationis summa ; ut constat ex ipso loco , ( *art. de luxation.* ) “ parantur ma-  
 » chinæ vel ocreæ è corio elixo sub plantâ pedis fissæ , &c.  
 » Ibidem etiam emplastra persæpè præcipiuntur , denique sic  
 » se habet ipsius Paræi ex propriis dictis , sententia ; » Ne faut faire  
 » cheminer les vares & valges , que premièrement les jointures  
 » ne soient bien affermies , de peur qu'ils ne se déboient de  
 » rechef ; & lorsqu'on voudra les faire marcher , on leur bail-  
 » lera des souliers assez hauts , & de cuir assez solide pour tenir  
 » les os fermes sur leurs jointures , & qu'ils soient contrains d'y  
 » demeurer ».

Eadem igitur nunc admittantur objecta , siquidem incommoda eadem occurrunt : atque & si majoris firmitatis ratione , plus valeret hæc ultima methodus , nihilominùs ob eam causam de quâ modò dicemus , à nobis rejiceretur.

---

(1) Alias ejusdem generis soleas prædicat Hippocrates , ubi adsunt hæc verba , ( ad eam formam quam Chiæ crepidæ habebant ).

Ultrà verò progreditur Fabric. Hild. nam præmissâ de emollientium usu quem auctores plerique suadent, sententiâ. Lecti usum ægris usque dùm apponantur machinæ vel instrumenta ferrea præcipit (1).

In machinis igitur plus minùsve fixis, ideòque pro curâ morbi & exitu difficillimis hùc usque versatur, ut patet; curatio.

Hanc assertionem præclare demonstrant varia de *Heister* loca in quibus dicitur; « Si jam tùm vitium illud increvit, vel » etiam ex utero materno est, necessarium utique erit, præ- » mîsso, si opus, emollientium usu, certis machinamentis, & » cumprimis idoneis ocreis, è corio firmiori, ligno, ferrive » tenuioris laminis, ad magnitudinem pedum vitiatorum pa- » ratis, quàm exactissimè pedes incurvos, cumprimis varos & » valgos, comprehendere, itaque disponere, ut, dùm ipsi » naturaliter crescunt, sensim sensimque figuram decentem » recipiant, eaque dies noctesque circà pedes gerendæ. (*Id.*) De- » nique si non nisi mediocriter vitiati sunt pedes, liberè & » apertè dicam: salutarîus sæpe esse deprehendi, absque con- » strictione per ocreas & machinas præsertim rigidiores iufantes » relinquere, quàm per adhibitâs eas graviter illos afficere & » quandoque nimis arctâ constrictione, magis adhuc lædere » pedumque incrementum impedire (*pag. jam citatâ*) ». Quid inde meritò concludi potest, nisi, quòd sanè certiorẽ simpliciorẽque viam, quæ sibi nota fuisset, veteres consecraf- sent, mobiles admittendo machinas quæ vim inflexibilem, ut modò constabit, longè exsuperant.

Fixas potentias, pro materiæ respectu, appellare est, corpora quæ inflexibili modo deformatas partes premendo, ipsas redu-

---

(1) Per integrum annum applicandum est instrumentum quod quidem per aliquot annos apposui, &c.

*Idem.* in alio loco, necesse est ut pueri instrumentum dies noctesque ge- stent. (*Centur. jam citat.*

cunt & in situ nativo retinent : ità ut , molesti istarum compressûs ratione pars quæque obtorta in adversum inflectatur. In ipsis potentiis tres distinguuntur partes quarum priores duræ & inflexibiles videntur : aliæ , varia sunt ligamina quorum ope priores ad membra applicantur : alteræ tandem habentur pulvini , ut affrictus minuantur , adhibiti.

Potentia verò mobilis elasticave nuncupatur corpus quod naturalis percussûs causâ , variis motibus obsequens , certo similique modo partes obtortas reprimat.

Ut in fixis , sic in mobilibus potentiis tres adhibentur partes , è quibus præcipua censetur , lamen ferreum incurvatum & elasticum. Dein ad sunt ambo solùm ligamina quæ applicando lamini inserviunt : varia denique habentur adjuncta quæ cæteris fulcrum præbent & frictioni cuilibet , quamvis levissimæ obstare queunt.

Id habent mobiles potentiæ ut partes distortæ in situm naturalem reducantur , in illoque statu retineantur : ità ut ab ipsis tutiori modo , breviori , faciliorque tandem , quàm à fixis potentiis , objectum illud adimpleatur ; nullus quoque inde lapsus iterum metuendus sit : quod paucis ( si prius inter se comparetur utraque methodus ) lucidè constabit.

1°. Quidem certo similique modo partes in varis valgisque obtortas reprimunt elasticæ mobilesvæ potentiæ.

Fixæ autem solo musculorum contractionis tempore hunc effectum producant.

2°. In illis ( juxtà unciam ) pressionis gradus æstimatur : ideòque sensim sine sensu in situm naturalem partes reduci queunt.

In istis nulla tanti commodi occurrunt beneficia.

3°. Variis motibus , suæ elasticitatis causâ ; obsequuntur priores machinæ , quæ mollem quoque repulsam præbendo , à concussu & fuggillatione partes undequaque tutantur.

Motui verò , pro majori firmitate minori que inde repulsu ,

obstant fixæ machinæ , à quibus etiam molesti semper oriuntur concussus , necnon vel acerba persæpe , vel nullius ad sanationem punderis , compressio.

4°. Pueris ludendi avidis copiam facit alia potentia : ideò-que necessariò ut debilia ipsorum corroborentur membra , exercitio favet.

Dùm è contrà per longum tempus , in situ molesto pueros frustrà detinente alterâ methodo , corpus elanguescit.

5°. Denique , distortum in varis & in valgis articulum non modò reducunt in statuque retinent mobiles. potentiæ , sed etiam ipsiusmet ad distortionem propensione obstant : si quidem earum ope ultrò ex adversò pes inflectatur , adeò ut meritò confirmari possit sanatio , quamquàm non inde sequatur producendam esse machinæ applicationem usquedùm partes omninò increverint.

A quo longè absunt fixæ potentiæ.

Quantùm inter se fixæ mobilesque machinæ differant , quantum rejiciendis prioribus istæ prævaleant , nemini sanè , ut nobis videtur , dubium est ( 1 ). Præterea de ipsis probandis , præsentī sermone , brevitatis causâ pro viribus differere conabimur.

Tria , ut nostræ methodi ope sanetur jam exposta pravitas , tempora admittuntur , primum tempus , partibus in suum naturalem reducendis impenditur ; pro naturâ morbi variisque circumstantiis ejus spatium plus minusve producit.

Sequenti tempore , reductæ partes , ex adverso inflectuntur ; certiùs assignari potest ille terminus.

Ultimum , à quo primum laxatæ distensæque partes in sese postea certo similique modo contrahuntur , à nobis dicitur coadunationis tempus , cujus etiam diuturnitas aliquando discrepat.

---

(1) Quantùm expertiss. D. Tiphaine commendaverit ista curatio omnibus notum est.



Attamen , ex observatis , ab octodecim mensibus ad duos annos , ut plurimum , prolata censetur curatio.

Ut autem prosperè succedat iste curandi modus , à Chirurgo , præter sedulam , sub utroque respectu , partis obtortæ cognitionem , peculiaris requiritur solertia vel in applicandis machinis , vel in æstimando ipsarum gradu ad varios casus accommodato , ità ut inter se congruant , & hæc obiter diximus.

*HAS THESES , Deo juvante & præside M. JOANNE-BAPTISTA ANDRÉ, Artium Liberalium & Chirurgiæ Magistro , tueri conabitur PETRUS LAFOND , Divionæus, præclare Artium Facultatis in Almâ Universitate Parisiensi Magister , Theses Auctor.*

*Die Sabbati 11<sup>a</sup>. mensis Decembris anno R. S. H. 1784 , à sēsqui-secundâ post meridiem ad septimam ,*

**P A R I S I I S ,**  
**IN REGIIS CHIRURGURUM SCHOLIS**  
**PRO ACTU PUBLICO ,**

ET  
MAGISTERII LAUREA.



Typis MICHAELIS LAMBERT , Regii Chirurgiæ Collegii , necnon Academiæ Typographi , viâ Cytharæâ.

---

M. DCC LXXXIV.

